

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-589/10  
Sarajevo, 27.5.2010. godine

**Z A P I S N I K**  
**30. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 27. maja 2010. godine**

Sjednica je počela u 10.55, nakon završetka 29. sjednice.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na osnovu evidencije Stručne službe, predsjedavajući je konstatovao da sjednici prisustvuje 46 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

**Delegatska pitanja i inicijative**

**Mira Ljubijankić** je, ispred grupe delegata koju čine Mladen Lonić, Asim Kamber, Senad Kananović, Elvira Avdić-Jelenović, Svetozar Pudarić i Drago Puzigaća, pokrenula inicijativu za uvođenje putničkog voza na relaciji Bihać - Sarajevo.

**Ramo Isak** izjavio je da od maja u Domu naroda istupa kao nezavisni kandidat.

Pokrenuo je inicijativu kojom traži da boračka populacija može otkupiti stanove certifikatima, tj. zatražio je izmjenu člana 12. Zakona o vraćanju, dodjeli i prodaji stanova.

**Igor Rajner** postavio je pitanje federalnom ministru turizma i okoliša koji se odnosi na izvoz otpada iz Federacije, odnosno na kvartalno traženje saglasnosti za izvoz otpada.

Na ovo pitanje odgovor je dao Nevenko Herceg, federalni ministar turizma i okoliša.

**Elvira Abdić-Jelenović** izrazila je nezadovoljstvo dobijenim dogovorom na postavljeno delegatsko pitanje koje se odnosi na Program mjera za ublažavanje ekonomske krize koji je usvojio Parlament Federacije, te je ponovo upitala koje su mjere implementirane.

Postavila je pitanje premijeru Federacije - da li su radnici koji rade za Teleoptic u pogonima Agrokomerca u Velikoj Kladuši zaposlenici Teleoptica ili Agrokomerca i ko im isplaćuje plaću.

**Mlade Lonić** postavio je pitanje Federalnom ministarstvu zdravstva - kako se i pod kojim kriterijumima dodijeljuje titula primarijus.

**Kenan Keserović** postavio je dva delegatska pitanja.

Prvo pitanje postavio je Federalnom ministarstvu razvoja poduzetništva i obrta - koji su kriteriji za dodjelu sredstava za stipendiranje učenika za obrtnička zanimanja i za dodjelu sredstava novoosnovanim subjektima u maloj privredi i koji je vremenski rok za dodjelu tih sredstava.

Drugo pitanje postavio je Federalnom zavodu za zapošljavanje, a odnosi se na zapošljavanje mladih u Federaciji, tj. na kriterije za dodjelu bespovratnih sredstava i kvalifikacionu strukturu zaposlenih mladih osoba i kantone u kojima su zaposleni, te je zatražio u prilogu pisanog odgovora spisak zaposlenih osoba i mjesto prebivališta koji su dobili bespovratna sredstva u 2009. godini.

**Josip Perić** izrazio je nezadovoljstvo dobijenim odgovorima na više postavljenih delegatskih pitanja.

Posebo je izrazio nezadovoljstvo nedobijenim odgovorom na pitanje u vezi sa dodjelom sredstava prikupljenih od GSM licenci i sredstava uplaćenih u periodu od 2007. do 2009. godine, a posebno je zatražio da Vlada Federacije dostavi u pisanom obliku koliko je sredstava od ove licence utrošeno u projekte u Kantonu 10.

Postavio je pitanje - kakva je sudbina sredstava koja su se nalazila u Hercegovačkoj banci prije uspostavljanja privremene uprave.

Drugo pitanje je u vezi sa sredstvima koja su uložena u Krivaju Zavidovići - da li su to kreditna ili donatorska sredstva, te da li je Vlada Federacije vlasnik uložениh sredstava u Krivaju.

Treće pitanje odnosi se na primanja svih delegata koji nisu glasali za Prijedlog Zakona o plaćama i naknadama u organima vlasti u Federaciji Bosne i Hercegovine, tj. onih koji su zatražili poimenično glasanje o Prijedlogu Zakona, te se osvrnuo na izvještavanje Federalne televizije o glasanju delegata u vezi sa ovim prijedlogom, te je zatražio pregled novčanih primanja Uprave Federalne televizije i urednika emisije „60 minuta“. Također je pokrenuo inicijativu da se raspravlja o Izvještaju o radu Federalne televizije.

**Bojan Bošnjak** postavio je pitanje Vladi Federacije - da li je i u kojem svojstvu Gavrilo Grahovac, federalni ministar kulture i sporta, prisustvovao Filmskom festivalu u Kanu i koja je svrha tog putovanja.

**Alija Begović** izrazio je nezadovoljstvo dobijenim odgovorom koji se odnosi na primanja zaposlenika BH Telekomu u decembru 2009. godine. Istakao je da nije tražio pregled plaća isplaćenih u decembru 2009. godine,

nego je ponovo zatražio da mu se dostavi spisak svih primanja u decembru 2009. godine.

**Mika Lešić** postavio je pitanje federalnom ministru prometa i komunikacija a odnosi se na početak eksproprijacije i gradnje na dionici Koridora Vc - Lota 1 Svilaj – Odžak.

**Edin Hozan** pokrenuo je inicijativu i postavio jedno pitanje.

Pokrenuo je inicijativu da se donese zakon o premjeru katastra i nekretnika i nova odluka o naknadama za korištenje podataka premjera i katastra.

Postavio je pitanje Vladi Federacije - kako je vršeno zapošljavanje u naplatnim kućicama na auto-putu. U nastavku je predložio da bi se na ta radna mjesta trebali zapošljavati demobilizirani borci kojima je ostalo nekoliko godina do penzionisanja.

**Tomo Vidović** pokrenuo je inicijativu za izgradnju centra za autizam internatskog karaktera u Tuzli. Inicijativu je uputio Vladi Federacije i nadležnim ministarstvima.

**Ivo Komšić** postavio je pitanje Federalnom ministarstvu prometa i komunikacija i Federalnoj direkciji za ceste u vezi sa ponudom koju je slovenačka firma Autoceste dostavila za izgradnju dionice Koridora Vc oko Sarajeva, zatražio je cijenu koštanja te dionice, te dostavu ponuda firmi iz Bosne i Hercegovine za ovu dionicu.

**Slobodan Tomić** osvrnuo se na odgovor koji je dobio na pitanje u vezi sa radom semafora na magistralnoj cesti M17 u Hadžićima, te je zatražio izvinjenje radi odgovora kojeg je dobio od Federalnog ministarstva prometa i komunikacija.

**Lidija Bradara** ponovo je pitala Federalno ministarstvo finansija u kojoj je fazi inicijativa da se 15 feninga iz putarina uplaćuje na poseban podračun.

Istakla je da na pitanje, vezano uz nestale bugojanske Hrvate, nije dobila odgovor od nadležnih organa.

Postavila je pitanje sekretaru Doma naroda - kako se objavljuju zakoni koje usvoji Parlament Federacije Bosne i Hercegovine.

**Besim Imamović** usvrnuo se na odgovore na delegatska pitanja koji se odnose na izmjenu Zakona o pripadnosti javnih prihoda u Federaciji Bosne i Hercegovine i zatražio da se izanalizira ovaj zakon i prilagodi novim uvjetima i praksi.

Upitao je u kojoj je fazi donošenje Zakona o šumama.

Postavio je pitanje Federalnom ministarstvu prometa i komunikacija - koji su razlozi za poskupljenje cijena fiksne telefonije.

Postavio je pitanje - u kojoj fazi je konstituisanje Fonda za zaštitu okoliša.

**Svetozar Pudarić** postavio je pitanje – po kojem osnovu je Vlada Federacije donijela Odluku o povećanju cijene gasa i upitao čime je uređen gasni sistem u Federaciji.

Nakon postavljenih pitanja i inicijativa, predsjedavajući je dao na glasanje **Inicijativu za uvođenje putničkog voza na relaciji Bihać –**

**Sarajevo** i, na osnovu rezultata glasanja, konstatovao da je Dom naroda Parlamenta Federacije, 30 glasova za, uz jedan glas protiv i uz jedan uzdržani glas, usvojio ovu inicijativu.

Potom se prešlo na utvrđivanje dnevnog reda.

Predsjedavajući je podsjetio delegate da je Vlada Federacije dostavila Prijedlog Zakona o dopuni Zakona o budžetima u Federaciji Bosne i Hercegovine i Prijedlog Zakona o izmjenama i dopunama Zakona o dugu, zaduživanju i garancijama u Federaciji Bosne i Hercegovine sa prijedlogom da se razmatraju po hitnom postupku.

Podsjetio je delegate da je Predstavnički dom odlučio da Prijedlog Zakona o izmjenama i dopunama Zakona o dugu, zaduživanju i garancijama u Federaciji Bosne i Hercegovine razmatra u formi nacrtu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 31 glasom za, uz dva glasa protiv i uz šest uzdržanih glasova, prihvatio da se Prijedlog Zakona o dopuni Zakona o budžetima u Federaciji Bosne i Hercegovine razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 33 glasa za, uz pet glasova protiv i uz šest uzdržanih glasova, prihvatio da se Prijedlog Zakona o izmjenama i dopunama Zakona o dugu, zaduživanju i garancijama u Federaciji Bosne i Hercegovine razmatra po hitnom postupku.

Također, Mihamed Osmić podnio je Prijedlog Zakona o izmjenama i dopunama Zakona o porezu na dohodak, Prijedlog Zakona o izmjenama i dopunama Zakona o doprinosima i Prijedlog Zakona o izmjenama i dopunama Zakona o građevinskom zemljištu Federacije Bosne i Hercegovine sa prijedlogom da se razmatraju po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 30 glasova za, uz dva glasa protiv i uz devet uzdržanih glasova, prihvatio da se Prijedlog Zakona o izmjenama i dopunama Zakona o porezu na dohodak razmatra po hitnom postupku.

Muhamed Osmić predložio je da se Prijedlog Zakona o izmjenama i dopunama Zakona o doprinosima skine sa dnevnog reda i uvrsti u dnevni red naredne sjednice, što su delegati prihvatili.

Na osnovu rezultata glasanja, predsjedavajući je konstatovao da Dom naroda Parlamenta Federacije **nije prihvatio** da se Prijedlog Zakona o izmjenama i dopunama Zakona o građevinskom zemljištu Federacije Bosne i Hercegovine razmatra po hitnom postupku, jer su za glasala 24 delegata, osam delegata je bilo protiv, a sedam delegata je bilo uzdržano. Prema tome, Zakon će se razmatrati u formi Nacrta Zakona.

Predsjedavajući je podsjetio delegate da je Vlada Federacije dostavila Prijedlog Zakona o izmjenama Zakona o društvima za osiguranje u privatnom osiguranju sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasa za, uz četiri glasa protiv i uz četiri uzdržana glasa, prihvatio da se Prijedlog Zakona o izmjenama Zakona o društvima za osiguranje u privatnom osiguranju razmatra po skraćenom postupku.

Ivo Iva Tadić je, ispred Komisije za sigurnost Doma naroda, obavijestio delegate da je u parlamentarnu proceduru dostavljena Informacija o stanju sigurnosti na području Federacije Bosne i Hercegovine u 2009. godini i predložio da se sa dnevnog reda skine 10. tačka - Informacija o stanju sigurnosti na području Federacije Bosne i Hercegovine za period januar – juni 2009. godine, sa posebnim osvrtom na stanje sigurnosti na području Tuzlanskog kantona - što su delegati prihvatili.

Kolegij Doma naroda je predložio da se 15. tačka – Izbor i imenovanja - skine sa dnevnog reda jer Komisija za izbor i imenovanja nije usaglasila imena članova Komisije za koncesije Federacije Bosne i Hercegovine.

U raspravi u vezi sa ovim prijedlogom učestvovali su: Svetozar Pudarić, Drago Puzigaća, federalni ministar finansija Vjekoslav Bevanda i Mira Ljubijankić.

U pauzi koja je uslijedila, Komisija za izbor i imenovanja održala je sjednicu na kojoj nije zauzet jedinstven stav oko toga da li da se imenovanje članova Komisije za koncesije i Komisije za vrijednosne papire stavi na dnevni red ove sjednice, te je predsjedavajući predložio da se ova tačka skine sa dnevnog reda ove sjednice i stavi na dnevni red naredne sjednice, što su delegati prihvatili.

Nakon toga prešlo se na glasanje o dnevnom redu.

Na osnovu rezultata glasanja, predsjedavajući je konstatovao da je Dom naroda, jednoglasno sa 42 glasa, usvojio sljedeći:

#### D N E V N I R E D

1. Prijedlog Zakona o dopuni Zakona o budžetima u Federaciji Bosne i Hercegovine – hitni postupak,
2. Prijedlog Zakona o izmjenama i dopunama Zakona o dugu, zaduživanju i garancijama u Federaciji Bosne i Hercegovine – hitni postupak,
3. Prijedlog Zakona o izmjenama i dopunama Zakona o porezu na dohodak (predlagač: Muhamed Osmić, delegat u Domu naroda) – hitni postupak,
4. Nacrt Zakona o izmjenama i dopunama Zakona o građevinskom zemljištu Federacije Bosne i Hercegovine (predlagač: Muhamed Osmić, delegat u Domu naroda),
5. Prijedlog Zakona o izmjenama Zakona o društvima za osiguranje u privatnom osiguranju – skraćeni postupak,
6. Prijedlog Zakona o izmjenama i dopunama Zakona o eksproprijaciji,

7. Izjašnjenje o Prijedlogu Zakona o izmjenama i dopunama Zakona o igrama na sreću,
8. Nacrt zakona o zaštiti od buke,
9.
  - Odluka o davanju saglasnosti za prihvatanje Prvog programskog kredita Međunarodne banke za obnovu i razvoj za razvojne politike za javnu potrošnju,
  - Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za Prvi programski kredit Međunarodne banke za obnovu i razvoj za razvojne politike za javnu potrošnju,
  - Odluka o davanju saglasnosti za prihvatanje Prvog programskog kredita Međunarodne asocijacije za razvojne politike za javnu potrošnju,
  - Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za Prvi programski kredit Međunarodne asocijacije za razvoj za razvojne politike za javnu potrošnju,
  - Sporazum o finansiranju između Bosne i Hercegovine i Međunarodne asocijacije za razvoj, Sporazum o zajmu između Bosne i Hercegovine i Međunarodne banke za obnovu i razvoj, usaglašeni Zapisnik sa pregovora za Prvi programski kredit za razvojne politike za javnu potrošnju i programski dokument za Prvi programski zajam za razvojne politike za javnu potrošnju (povjerljivo),
  - Informacija o kreditima Svjetske banke za budžetsku podršku «Prvi programski zajam/kredit za razvojne politike» (Development Policy Loan, DPL).
10.
  - Odluka o davanju saglasnosti za prihvatanje kredita Međunarodne banke za obnovu i razvoj za Projekt otpadnih voda u Sarajevu,
  - Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne banke za obnovu i razvoj za Projekt otpadnih voda u Sarajevu,
  - Usaglašeni zapisnik sa pregovora između Bosne i Hercegovine i Međunarodne banke za obnovu i razvoj (International Bank for Reconstruction and Development, IBRD) za Projekt za razvoj općina (Municipal Development Project), Sporazum o zajmu (Projekt za otpadne vode u Sarajevu) između Bosne i Hercegovine i Međunarodne banke za obnovu i razvoj (International Bank for Reconstruction and Development) (poverljivo-pregovarani tekst) i Projektni sporazum (Projekt otpadne vode u Sarajevu) između Međunarodne banke za obnovu i razvoj (International Bank for Reconstruction and Development) i Federacije Bosne i Hercegovine (poverljivo – pregovarani tekst ),
  - Informacija o kreditu Međunarodne banke za obnovu i razvoj za Projekt otpadne vode u Sarajevu (SWWP),

11. - Odluka o davanju saglasnosti za prihvatanje kredita Međunarodne asocijacije za razvoj za Projekt podrške mrežama socijalne sigurnosti i zapošljavanja,
- Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne asocijacije za razvoj za Projekt podrške mrežama socijalne sigurnosti i zapošljavanja,
  - Projektni sporazum (Projekt podrške mrežama socijalne sigurnosti i zapošljavanja) između Međunarodne asocijacije za razvoj i Federacije Bosne i Hercegovine (povjerljivi nacrt – pregovarani tekst), Sporazum o finansiranju (Projekt podrške mrežama socijalne sigurnosti i zapošljavanja) između Bosne i Hercegovine i Međunarodne asocijacije za razvoj (povjerljivi tekst – pregovarani tekst), usaglašeni Zapisnik sa pregovora između Bosne i Hercegovine i Međunarodne asocijacije za razvoj (IDA) o Projektu podrške mrežama socijalne sigurnosti i zapošljavanju i Dokument o procjeni Projekta za predloženi kredit (Dokument Svjetske banke – samo za službenu upotrebu),
  - Informacija o kreditu Svjetske banke za Projekt podrške mrežama socijalne sigurnosti i zapošljavanja (SSNESP),
12. Usaglašavanje različito usvojenih tekstova prijedloga zakona u oba doma Parlamenta Federacije Bosne i Hercegovine:
- Prijedlog Zakona o unutrašnjoj trgovini,
  - Prijedlog Odluke o izmjenama i dopunama Odluke o formiranju parlamentarne komisije odgovorne za reviziju.

## **1. Prijedlog Zakona o dopuni Zakona o budžetima u Federaciji Bosne i Hercegovine**

Prijedlog Zakona utvrdila je Vlada Federacije.

Predstavnički dom je na 29. sjednici od 23.2.2010. godine usvojio Prijedlog Zakona u tekstu kako ga je predložila Vlada Federacije.

U vezi s tim, federalni ministar finansija je 7.4.2010. godine uputio dopis Domu naroda kojim traži da Dom naroda usvoji Prijedlog Zakona u kome se predlaže dopuna člana 80. čime bi se realizirala treća tranša stand by aranžmana sa Međunarodnim monetarnim fondom.

Prijedlog Zakona razmatrala su nadležna radna tijela i dostavila izvještaje.

Ispred Zakonodavno–pravne komisije izvještaj je obrazložio Alija Begović, predsjednik Komisije.

U raspravi su učestvovali: Vjekoslav Bevanda, federalni ministar finansija, Alija Begović, Stjepan Krešić, Elvira Abdić-Jelenović, Igor Rajner, Lidija Bradara, Tomo Vidović, Besim Imamović, Ivo Komšić, Nikola Simić, Vanja Bročeta Krneta i federalni ministar finansija Vjekoslav Bevanda.

U raspravi je Igor Rajner podnio amandman na Prijedlog Zakona koji se odnosi na to da se u članu 1. u stavu 2. Prijedloga Zakona riječi: „upućen u parlamentarnu proceduru“ zamijene riječima: „donijet u parlamentarnoj proceduri“.

Budući da federalni ministar finansija Vjekoslav Bevanda nije prihvatio amandman, predsjedavajući ga je dao na glasanje i konstatovao da Dom naroda nije usvojio amandman, jer je za glasalo 13 delegata, 12 delegata je bilo protiv, a 14 delegata je bilo uzdržano.

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 36 glasova za, uz tri glasa protiv i uz tri uzdržana glasa, usvojio Prijedlog Zakona o dopuni Zakona o budžetima u Federaciji Bosne i Hercegovine.

## **2. Prijedlog Zakona o izmjenama i dopunama Zakona o dugu, zaduživanju i garancijama u Federaciji Bosne i Hercegovine**

Prijedlog Zakona utvrdila je Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Samir Bakić, pomoćnik federalnog ministra finansija.

U pretresu su učestvovali: Igor Rajner, Elvira Abdić-Jelenoić, Tomo Vidović i Samir Bakić, pomoćnik federalnog ministra finansija, koji je izjavio da prihvata ispravku tehničke prirode na koju je sugerisao Igor Rajner, a koja se odnosi na to da se u članu 18. Prijedloga Zakona riječi: “člana 31. stav 1. i člana 40. ovog zakona” zamjenjuju riječima: “čl. 38. i 40. ovog zakona”.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 33 glasa za, uz jedan glas protiv i uz pet uzdržanih glasova, usvojio Prijedlog Zakona o izmjenama i dopunama Zakona o dugu, zaduživanju i garancijama u Federaciji Bosne i Hercegovine

## **3. Prijedlog Zakona o izmjenama i dopunama Zakona o porezu na dohodak**

Prijedlog Zakona utvrdio je Muhamed Osmić, delegat u Domu naroda.

Prijedlog Zakona dostavljen je Vladi Federacije radi davanja mišljenja.

Prijedlog Zakona razmatrala su nadležna radna tijela i dostavila svoje izvještaje.



Prijedlog Zakona obrazložio je Muhamed Osmić koji je radi usklađivanja sa Zakonom o izmjenama i dopunama Zakona o porezu na dohodak ("Službene novine Federacije BiH", br. 9/10) iznio određene korekcije na svoj Prijedlog Zakona tako da Prijedlog Zakona sada glasi:

### **„Član 1.**

U Zakonu o porezu na dohodak („Službene novine Federacije BiH“, br. 10/08 i 9/10) u članu 5. u tački 11. iza riječi „dohodak“ piše se zarez i dodaju riječi: „osim prihoda od naknade za ishranu (topli obrok) čiji iznos prelazi najnižu naknadu za ishranu utvrđenu Općim kolektivnim ugovorom, odnosno više od 1% prosječne plaće po radnom danu (Zakonom, Uredbom, Općim kolektivnim ugovorom i dr.).

### **Član 2.**

U članu 10. u stavu (2) u tački 1) iza riječi “dohodak“ piše se zarez i dodaju riječi: “(Uredbom, Općim kolektivnim ugovorom i dr.)“.

### **Član 3.**

Ovaj zakon stupa na snagu narednog dana od dana objavljivanja u „Službenim novinama Federacije BiH“.

U pretresu je učestvovao Vjekoslav Bevanda, federalni ministar finansija, koji je izjavio da Vlada Federacije podržava ovaj prijedlog Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 31 glasom za i uz četiri uzdržana glasa, usvojio Prijedlog Zakona o izmjenama i dopunama Zakona o porezu na dohodak.

Nakon toga Muhamed Osmić izjavio je da se Prijedlog Zakona o izmjenama i dopunama Zakona o doprinosima ne treba stavljati na dnevni red sljedeće sjednice.

## **4. Nacrt Zakona o izmjenama i dopunama Zakona o građevinskom zemljištu Federacije Bosne i Hercegovine (predlagač: Muhamed Osmić, delegat u Domu naroda)**

Dom naroda je u prethodnom postupku odlučio da Zakon razmatra u formi nacrta zakona.

Zakon su u formi prijedloga razmatrala nadležna radna tijela i dostavila svoje izvještaje.

Nacrt Zakona obrazložio je Muhamed Osmić.

U pretresu su učestvovali: Igor Rajner, Denis Zvizdić, Sead Čaušević, Radoje Vidović i Elvira Abdić-Jelenović.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 35 glasova za, uz jedan glas protiv i uz pet uzdržanih glasova, usvojio sljedeći:

## ZAKLJUČAK

1. Dom naroda Parlamenta Federacije Bosne i Hercegovine prihvaća Nacrt Zakona o izmjenama i dopunama Zakona o građevnom zemljištu Federacije Bosne i Hercegovine i smatra da može poslužiti kao dobar osnov za izradu prijedloga Zakona.
2. Zadužuje se Odbor za prostorno uređenje, ekologiju i stambeno-komunalne poslove Doma naroda da obavi javnu raspravu koja će trajati 30 dana.
3. Zadužuje se predlagač da prilikom izrade prijedloga Zakona ima u vidu primedbe, prijedloge i sugestije iznesene na sjednici Doma naroda, kao i primjedbe iznesene u javnoj raspravi.

### **5. Prijedlog Zakona o izmjenama Zakona o društvima za osiguranje u privatnom osiguranju**

Prijedlog Zakona utvrdila je Vlada Federacije.

Predstavnički dom je na 30. sjednici od 28.4.2010. godine usvojio Prijedlog Zakona u tekstu kako je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je federalni ministar finansija Vjekoslav Bevanda.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije jednoglasno (37 glasova) usvojio Prijedlog Zakona o izmjenama Zakona o društvima za osiguranje u privatnom osiguranju.

### **6. Prijedlog Zakona o izmjenama i dopunama Zakona o eksproprijaciji**

Prijedlog Zakona utvrdila je Vlada Federacije.

Predstavnički dom je na 30. sjednici od 28.4.2010. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Goran Brkić, predstavnik Federalne uprave za geodetske i imovinsko-pravne poslove.

U pretresu su učestvovali Igor Rajner, Denis Zvizdić i Goran Brkić, predstavnik Federalne uprave za geodetske i imovinsko-pravne poslove.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 36 glasova za, uz jedan glas protiv i

uz dva uzdržana glasa, usvojio Prijedlog Zakona o izmjenama Zakona o eksproprijaciji.

## 7. Izjašnjenje o Prijedlogu Zakona o izmjenama i dopunama Zakona o igrama na sreću

Predsjedavajući je podsjetio delegate da je pretres o Prijedlogu Zakona zaključen na 13. vanrednoj sjednici, a izjašnjenje odgođeno dok se Vlada Federacije ne izjasni o podnesenim amandmanima.

Vlada Federacije dostavila je izjašnjenje o podnesenim amandmanima kojima je djelomično prihvatila amandman delegata **Seada Čauševića** na sljedeći način:

U članu 2. u stavu 1. u 1. alineji iza riječi “djecu” dodaju se riječi: “ i mlade”.

Također, Vlada Federacije je u izjašnjenju djelomično prihvatila amandman **Svetozara Pudarića** na sljedeći način:

U članu 2. u stavu 1. u 3. alineji iza riječi “uvjeta” dodaju se riječi: “ i njihovih organizacija”.

Vlada Federacije nije prihvatila amandmane Alije Begovića, Kluba delegata hrvatskog naroda i Muharema Serbezovskog.

Alija Begović izjavio je da će Klub delegata bošnjačkog naroda odustati od prvog amandmana koji je on podnio, ako se usvoji amandman Kluba delegata hrvatskog naroda, dok od drugog amandmana neće odustati.

Sead Čaušević zatražio je da se glasa o dijelu njegovog amandmana koji Vlada Federacije nije prihvatila.

Nakon toga prešlo se na izjašnjavanje o amandmanima koje Vlada Federacije nije prihvatila.

Budući da Klub delegata hrvatskog naroda nije odustao od svog amandmana, predsjedavajući ga je dao na glasanje i konstatovao da je Amandman dobio potrebnu većinu jer je za glasalo 37 delegata, dva delegata su bila protiv a četiri delgata su bila uzdržana.

Amandman glasi:

“U članu 1. iza riječi “uslugama” piše se zarez i dodaju riječi: ”da se unaprijed uplati 6% od ukupne vrijednosti nagradnog fonda i to: ravnomjerno po 1,5 % Crvenom krstu, “Caritasu”, “Merhametu MDD” i “Dobrotvoru”.”

Potom se prešlo na glasanje o Amandmanu II. koji je, ispred Kluba bošnjačkog naroda, podnio Alija Begović, predsjednik Kluba.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasa za, uz tri glasa protiv i uz sedam uzdržanih glasova, usvojio Amandman II. koji glasi:

U članu 2. u stavu 1. dodaje se alineja koja glasi: “- rad javnih kuhinja”.

Nakon toga glasalo se o amandmanu Seada Čauševića.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 31 glasom za, uz tri glasa protiv i uz sedam uzdržanih glasova, usvojio Amandman Seada Čauševića koji glasi:

„U članu 2. u stavu 7. riječi: “narednu godinu” zamjenjuju se riječima: “naredne dvije godine”.

Na kraju se glasalo o amandmanu Muharema Serbezovskog, koji se odnosi na dodavanje nove alineje devet u stavu 2. u članu 2.

Na osnovu rezultata glasanja, predsjedavajući je konstatovao da Dom naroda Parlamenta Federacije nije usvojio ovaj amandman, jer je za glasalo devet delegata, šest delegata je bilo protiv, a 22 delegata su bili uzdržana.

Potom se glasalo o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 46 glasova za i uz jedan uzdržani glas, usvojio Prijedlog Zakona o izmjenama i dopunama Zakona o igrama na sreću.

Budući da je Prijedlog Zakona usvojen u različitom tekstu u oba doma Parlamenta Federacije Bosne i Hercegovine **potrebno** ga je **usaglasiti**.

## **8. Nacrt Zakona o zaštiti od buke**

Nacrt Zakona utvrdila je Vlada Federacije.

Predstavnički dom je na 30. sjednici od 28.4.2010. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila svoje izvještaje.

Nacrt Zakona obrazložio je Mladen Rudež, pomoćnik federalnog ministra okoliša i turizma.

U pretresu su učestvovali Snježana Milavić i Igor Rajner.

Na osnovu rezultata glasanja, predsjedavajući je konstatovao da je Dom naroda Parlamenta Federacije jednoglasno (40 glasova za) usvojio sljedeći:

## **ZAKLJUČAK**

1. Dom naroda Parlamenta Federacije Bosne i Hercegovine prihvaća Nacrt Zakona o zaštiti od buke i smatra da može poslužiti kao dobar osnov za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda.

9. – **Odluka o davanju saglasnosti za prihvatanje Prvog programskog kredita Međunarodne banke za obnovu i razvoj za razvojne politike za javnu potrošnju**
- **Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za Prvi programski kredit Međunarodne banke za obnovu i razvoj za razvojne politike za javnu potrošnju**
  - **Odluka o davanju saglasnosti za prihvatanje Prvog programskog kredita Međunarodne asocijacije za razvojne politike za javnu potrošnju**
  - **Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za Prvi programski kredit Međunarodne asocijacije za razvoj za razvojne politike za javnu potrošnju**
  - **Sporazum o finansiranju između Bosne i Hercegovine i Međunarodne asocijacije za razvoj, Sporazum o zajmu između Bosne i Hercegovine i Međunarodne banke za obnovu i razvoj, usaglašeni Zapisnik sa pregovora za Prvi programski kredit za razvojne politike za javnu potrošnju i programski dokument za Prvi programski zajam za razvojne politike za javnu potrošnju (povjerljivo)**
  - **Informacija o kreditima Svjetske banke za budžetsku podršku «Prvi programski zajam/kredit za razvojne politike» (Development Policy Loan, DPL)**

Odluke je donijela Vlada Federacije i dostavila ih Parlamentu Federacije radi razmatranja i odobravanja.

Predstavnički dom je na nastavku 30. sjednice od 11.5.2010. godine odobrio ove odluke.

Odluke su razmatrala nadležna radna tijela i dostavila svoje izvještaje.

U raspravi nije niko učestvovao.

Potom se prešlo na glasanje o odlukama.

– **Odluka o davanju saglasnosti za prihvatanje Prvog programskog kredita Međunarodne banke za obnovu i razvoj za razvojne politike za javnu potrošnju**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 37 glasova za, uz tri glasa protiv i uz jedan uzdržani glas, donio Odluku kojom je odobrio Odluku o davanju saglasnosti za prihvatanje Prvog programskog kredita Međunarodne banke za obnovu i razvoj za razvojne politike za javnu potrošnju.

**- Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za Prvi programski kredit Međunarodne banke za obnovu i razvoj za razvojne politike za javnu potrošnju**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 37 glasova za, uz tri glasa protiv i uz jedan uzdržani glas, donio Odluku kojom je odobrio Odluku o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za Prvi programski kredit Međunarodne banke za obnovu i razvoj za razvojne politike za javnu potrošnju.

**- Odluka o davanju saglasnosti za prihvatanje Prvog programskog kredita Međunarodne asocijacije za razvoj za razvojne politike za javnu potrošnju**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 37 glasova za, uz tri glasa protiv i uz jedan uzdržani glas, donio Odluku kojom je odobrio Odluku o davanju saglasnosti za prihvatanje Prvog programskog kredita Međunarodne asocijacije za razvoj za razvojne politike za javnu potrošnju.

**- Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za Prvi programski kredit Međunarodne asocijacije za razvoj za razvojne politike za javnu potrošnju**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 37 glasova za, uz tri glasa protiv i uz jedan uzdržani glas, donio Odluku kojom je odobrio Odluku o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za Prvi programski kredit Međunarodne asocijacije za razvoj za razvojne politike za javnu potrošnju.

**- Sporazum o finansiranju između Bosne i Hercegovine i Međunarodne asocijacije za razvoj, Sporazum o zajmu između Bosne i Hercegovine i Međunarodne banke za obnovu i razvoj, usaglašeni Zapisnik sa pregovora za Prvi programski kredit za razvojne politike za javnu potrošnju i programski dokument za Prvi programski zajam za razvojne politike za javnu potrošnju**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 37 glasova za, uz tri glasa protiv i uz jedan uzdržani glas, odobrio Sporazum o finansiranju između Bosne i Hercegovine i Međunarodne asocijacije za razvoj, Sporazum o zajmu

između Bosne i Hercegovine i Međunarodne banke za obnovu i razvoj, usaglašeni Zapisnik sa pregovora za Prvi programski kredit za razvojne politike za javnu potrošnju i programski dokument za Prvi programski zajam za razvojne politike za javnu potrošnju.

- 10. - Odluka o davanju saglasnosti za prihvatanje kredita Međunarodne banke za obnovu i razvoj za Projekt otpadnih voda u Sarajevu**
- Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne banke za obnovu i razvoj za Projekt otpadnih voda u Sarajevu
  - Usaglašeni zapisnik sa pregovora između Bosne i Hercegovine i Međunarodne banke za obnovu i razvoj (International Bank for Reconstruction and Development, IBRD) za Projekt za razvoj općina (Municipal Development Project), Sporazum o zajmu (Projekt za otpadne vode u Sarajevu) između Bosne i Hercegovine i Međunarodne banke za obnovu i razvoj (International Bank for Reconstruction and Development) (poverljivo-pregovarani tekst) i Projektni sporazum (Projekt otpadne vode u Sarajevu) između Međunarodne banke za obnovu i razvoj (International Bank for Reconstruction and Development) i Federacije Bosne i Hercegovine (poverljivo – pregovarani tekst )
  - Informacija o kreditu Međunarodne banke za obnovu i razvoj za Projekt za otpadne vode u Sarajevu (SWWP)

Odluke je donijela Vlada Federacije i dostavila ih Parlamentu Federacije radi razmatranja i odobravanja.

Predstavnički dom je na nastavku 30. sjednice od 11.5.2010. godine odobrio ove odluke.

Odluke su razmatrala nadležna radna tijela i dostavila svoje izvještaje.

U raspravi nije niko učestvovao.

Prešlo se na glasanje o odlukama.

**- Odluka o davanju saglasnosti za prihvatanje kredita Međunarodne banke za obnovu i razvoj za Projekt otpadnih voda u Sarajevu**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 40 glasova za i uz jedan uzdržani glas, donio Odluku kojom je odobrio Odluku o davanju saglasnosti za prihvatanje kredita Međunarodne banke za obnovu i razvoj za Projekt otpadnih voda u Sarajevu.

**- Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne banke za obnovu i razvoj za Projekt otpadnih voda u Sarajevu**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 40 glasova za i uz jedan uzdržani glas, donio Odluku kojom je odobrio Odluku o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne banke za obnovu i razvoj za Projekt otpadnih voda u Sarajevu.

**- Usaglašeni zapisnik sa pregovora između Bosne i Hercegovine i Međunarodne banke za obnovu i razvoj (International Bank for Reconstruction and Development, IBRD) za Projekt za razvoj općina (Municipal Development Project), Sporazum o zajmu (Projekt za otpadne vode u Sarajevu) između Bosne i Hercegovine i Međunarodne banke za obnovu i razvoj (International Bank for Reconstruction and Development) (poverljivo-pregovarani tekst) i Projektni sporazum (Projekt otpadne vode u Sarajevu) između Međunarodne banke za obnovu i razvoj (International Bank for Reconstruction and Development) i Federacije Bosne i Hercegovine (poverljivo – pregovarani tekst)**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 40 glasova za i uz jedan uzdržani glas, odobrio Usaglašeni zapisnik sa pregovora između Bosne i Hercegovine i Međunarodne banke za obnovu i razvoj (International Bank for Reconstruction and Development, IBRD) za Projekt za razvoj općina (Municipal Development Project), Sporazum o zajmu (Projekt za otpadne vode u Sarajevu) između Bosne i Hercegovine i Međunarodne banke za obnovu i razvoj (International Bank for Reconstruction and Development) i Projektni sporazum (Projekt otpadne vode u Sarajevu) između Međunarodne banke za obnovu i razvoj (International Bank for Reconstruction and Development) i Federacije Bosne i Hercegovine.

**11. - Odluka o davanju saglasnosti za prihvatanje kredita Međunarodne asocijacije za razvoj za Projekt podrške mrežama socijalne sigurnosti i zapošljavanja**

**- Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne asocijacije za razvoj za Projekt podrške mrežama socijalne sigurnosti i zapošljavanja**



**- Projektni sporazum (Projekt podrške mrežama socijalne sigurnosti i zapošljavanja) između Međunarodne asocijacije za razvoj i Federacije Bosne i Hercegovine (Povjerljivi Nacrt – pregovarani tekst), Sporazum o finansiranju (Projekt podrške mrežama socijalne sigurnosti i zapošljavanja) između Bosne i Hercegovine i Međunarodne asocijacije za razvoj (Povjerljivi tekst – pregovarani tekst), usaglašeni Zapisnik sa pregovora između Bosne i Hercegovine i Međunarodne asocijacije za razvoj (IDA) Projektu podrške mrežama socijalne sigurnosti i zapošljavanju i Dokument o procjeni Projekta za predloženi kredit (Dokument Svjetske banke – samo za službenu upotrebu)**

Odluke je donijela Vlada Federacije i dostavila ih Parlamentu Federacije radi razmatranja i odobravanja.

Predstavnički dom je na nastavku 30. sjednice od 11.5.2010. godine odobrio ove odluke.

Odluke su razmatrala nadležna radna tijela i dostavila svoje izvještaje.

U raspravi je učestvovao Igor Rajner.

Potom se prešlo na glasanje o odlukama.

**- Odluka o davanju saglasnosti za prihvatanje kredita Međunarodne asocijacije za razvoj za Projekt podrške mrežama socijalne sigurnosti i zapošljavanja**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasova za, uz pet glasova protiv i uz četiri uzdržana glasa, donio Odluku kojom je odobrio Odluku o davanju saglasnosti za prihvatanje kredita Međunarodne asocijacije za razvoj za Projekt podrške mrežama socijalne sigurnosti i zapošljavanja

**- Odluka o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne asocijacije za razvoj za Projekt podrške mrežama socijalne sigurnosti i zapošljavanja**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasova za, uz pet glasova protiv i uz četiri uzdržana glasa, donio Odluku kojom je odobrio Odluku o davanju saglasnosti za zaključivanje Supsidijarnog ugovora između Bosne i Hercegovine i Federacije Bosne i Hercegovine za kredit Međunarodne asocijacije za razvoj za Projekt podrške mrežama socijalne sigurnosti i zapošljavanja.

- **Projektni sporazum (Projekt podrške mrežama socijalne sigurnosti i zapošljavanja) između Međunarodne asocijacije za razvoj i Federacije Bosne i Hercegovine (Povjerljivi Nacrt – pregovarani tekst), Sporazum o finansiranju (Projekt podrške mrežama socijalne sigurnosti i zapošljavanja) između Bosne i Hercegovine i Međunarodne asocijacije za razvoj (Povjerljivi tekst – pregovarani tekst), usaglašeni Zapisnik sa pregovora između Bosne i Hercegovine i Međunarodne asocijacije za razvoj (IDA) Projektu podrške mrežama socijalne sigurnosti i zapošljavanju i Dokument o procjeni Projekta za predloženi kredit (Dokument Svjetske banke – samo za službenu upotrebu)**

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasa za, uz pet glasova protiv i uz četiri uzdržana glasom, odobrio Projektni sporazum (Projekt podrške mrežama socijalne sigurnosti i zapošljavanja) između Međunarodne asocijacije za razvoj i Federacije Bosne i Hercegovine (Povjerljivi Nacrt – pregovarani tekst), Sporazum o finansiranju (Projekt podrške mrežama socijalne sigurnosti i zapošljavanja) između Bosne i Hercegovine i Međunarodne asocijacije za razvoj (Povjerljivi tekst – pregovarani tekst), usaglašeni Zapisnik sa pregovora između Bosne i Hercegovine i Međunarodne asocijacije za razvoj (IDA) Projektu podrške mrežama socijalne sigurnosti i zapošljavanju i Dokument o procjeni Projekta za predloženi kredit (Dokument Svjetske banke).

## **12. Usaglašavanje različito usvojenih tekstova prijedloga zakona u oba doma Parlamenta Federacije Bosne i Hercegovine:**

- **Prijedlog Zakona o unutrašnjoj trgovini**
- **Prijedlog Odluke o izmjenama i dopunama Odluke o formiranju parlamentarne komisije odgovorne za reviziju**

### **- Prijedlog Zakona o unutrašnjoj trgovini**

Predsjedavajući je podsjetio delegate da je Predstavnički dom na nastavku 28. sjednice od 13.1.2010. godine usvojio Prijedlog Zakona sa šest amandmana, koji se odnose na čl. 4., 6., 7., 13., 16. i 47.

Dom naroda je na 28. sjednici, održanoj 28.1.2010. godine, usvojio Prijedlog Zakona sa amandmanima Predstavničkog doma, koji se odnose na čl. 4., 6., 7., 16. i 47.

Amandman koji se odnosi na brisanje člana 13. Dom naroda nije prihvatio jer je Vlada podnijela dva amandmana na član 13. Također, Vlada je podnijela i amandman na član 64.

Predstavnički dom je na nastavku 28. sjednice od 9.3.2010. godine usaglašavao Prijedlog Zakona i prihvatio amandmane Vlade Federacije koji

se odnose na čl. 13. i 64. u preformulisanim obliku kako je naznačeno u dopisu Predstavničkog doma.

Na osnovu rezultata glasanja, predsjedavajući Doma naroda Parlamenta Federacije konstatovao je da je Dom naroda, sa 32 glasa za, uz dva glasa protiv i uz sedam uzdržanih glasova, usvojio preformulisane amandmane koji se odnose na čl. 13. i 64., čime je Prijedlog Zakona usvojen u istovjetnom tekstu u oba doma Parlamenta Federacije Bosne i Hercegovine.

#### **- Prijedlog Odluke o izmjenama i dopunama Odluke o formiranju parlamentarne komisije odgovorne za reviziju**

Predsjedavajući je podsjetio delegate da je Dom naroda na nastavku 28. sjednice od 11.2.2010. godine donio Odluku o formiranju parlamentarne komisije odgovorne za reviziju u tekstu kako ga je predložio predlagač, tj. Komisija za izbor i imenovanja oba doma Parlamenta Federacije.

Predstavnički dom je na nastavku 28. sjednice od 9.3.2010. godine donio Odluku sa dopunama koje se odnose na dodavanje nove tačke III. u Prijedlogu Odluke.

Na osnovu rezultata glasanja, predsjedavajući je konstatovao da je Dom naroda Parlamenta Federacije jednoglasno (37 glasova za) prihvatio da se doda nova tačka III. u Odluci o izmjenama i dopunama Parlamentarne komisije odgovorne za reviziju, čime je Odluka donijeta u istovjetnom tekstu u oba doma Parlamenta Federacije Bosne i Hercegovine.

\* \* \*

Sjednica je završena u 16.50.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALAČI

Stjepan Krešić